



PREDMET: Pojašnjenje tenderske dokumentacije

U sjedištu Ugovornog organa dana 06.04.2026. godine, pod brojem protokola: JN-OP-894-10/2025, zaprimljen je Zahtjev za pojašnjenje tenderske dokumentacije broj: JN-OP-894-6/2025 u postupku javne nabavke: Nabavka opreme, radova i usluga za potrebe realizacije zamjene opreme u TS 110/x kV Brčko 2 (VN, SN, SCADA, sistem zaštite i upravljanja, sekundarna oprema), dostavljen od strane privrednog subjekta VALTER-ELEKTRO d.o.o. Sarajevo, u kojem se traži sljedeće pojašnjenje:

Pitanje broj 1:

Poštovani, u poglavlju 15. Tehnička i profesionalna sposobnost i podpoglavljju 15.1. piše: „Pod pojmom „karakter i kompleksnost slični” podrazumijeva se uspješno izvršenje ugovora koji za predmet imaju isporuku robe, ugradnju robe i pripadajuće usluge (npr. izgradnju ili rekonstrukciju elektroenergetskih objekata naponskog nivoa 110 kV ili višeg naponskog nivoa što obuhvata transformatorske stanice i/ili dijelove transformatorskih stanica uključujući VN postrojenje i/ili SN postrojenje i/ili pomoćno napajanje i/ili zaštitne uređaje i/ili SCADA sistem) ili uspješno izvršenje ugovora koji za predmet imaju isporuku robe ili izvođenje radova na ugradnji robe (elektromontažni i građevinski radovi) ili izvršenje pripadajućih usluga (npr. projektovanje, obezbjeđenje saglasnosti, dozvola za građenje, upotrebnih dozvola i dr).“

Molimo vas da potvrdite da su pod pojmom „izvršenje pripadajućih usluga“ prihvatljive i potvrde o uspješno realizovanim uslugama Nabavke i ugradnja brojila za mjerenje i registraciju električne energije koji su u sklopu postrojenja 110 kV ili višeg naponskog nivoa?

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovor sa pojašnjenjem kako slijedi:

Odgovor na pitanje 1:

Tačkom 15.1. tenderske dokumentacije definisano je: „Predmetni obim izvršenja (isporuka robe, ugradnja robe i pripadajuće usluge) može biti obuhvaćen jednim ugovorom ili kroz više ugovora, na način da svaki od navedenih segmenata predmetnog obima mora biti obuhvaćen najmanje jednim ugovorom.”

Pod pojmom „isporuka robe, ugradnja robe“ podrazumijeva se proces koji obuhvata nabavku specifične opreme, njeno fizičko postavljanje i povezivanje (radovi), te prateće radnje neophodne za funkcionalnost sistema.

Pod pojmom „pripadajuće usluge“ podrazumijevaju se intelektualne i administrativno-tehničke usluge koje su obuhvaćene predmetom javne nabavke kao što su izrada projektne dokumentacije, pribavljanje potrebnih saglasnosti i dozvola (odobrenje za građenje, odobrenje za upotrebu).

Uvažavajući navedeno, potvrda o uspješno realizovanim uslugama nabavke i ugradnje brojila za mjerenje i registraciju električne energije koji su u sklopu postrojenja 110 kV ili višeg naponskog nivoa po svom karakteru zadovoljava kriterij „isporuka robe, ugradnja robe“. Takva potvrda se ne može smatrati dokazom za izvršenje pripadajućih usluga (projektovanje i obezbjeđenje saglasnosti, dozvola za građenje, upotrebnih dozvola i dr.).

S poštovanjem,

Predsjednik Komisije za
JN-OP-894/2025

